





<sup>21.</sup>  
Iusta LXVII.

66

DOCTISSIMO, ORNATISSIMO, VITÆ INCULPATÆ, MORUMQUE integritate præstanti, & in artibus ac linguis optimè versato viro,

DN. STEPHANO K. SIXOVIO, VNGARO, IN CELEBERRIMAM VVITEBERGENSIUM Academiam, augendorum studiorum causâ, Anno D. 1597, die 14 Martii concedenti; Anno verò subsequente 1598, die 6. Octobris, ad horam 11. meridianam, in Domino piè placidèque obdormienti, ibidemq; in cœmeterio Templi, ut vocant, parochialis, juxta tumulos reliquorum quatuor popularium, olim demortuorum, 8. die Octobr. honestè sepulto:

RECTORE ACADEMIÆ M. ANTONIO EVONYMO:  
Seniore cœtus Vngarici, XLIX. BALTHASARE  
G. MISCOLCINO:

Perfoluta ab

*Amicis, & clarissimis viris.*

*Quibus accesserunt versus Epitaphii, à clarissimo viro, M. FRIDERICO TAUBMANNO, Poeta & Professore facti, atq; ipsi lapidi sepulchrali insculpti.*

Vnâ

Cum Intimatione Magnifici Rectoris.

VVITEBERGÆ  
Typis Simonis Gronenbergii.  
M. D. XCVIII.


67

CARMEN FVNEBRE

IN OBITUM

STEPHANI SIXAI  
VNGARI.

I.

 *Tsi Bistonis telis te terruit hostis:  
Non tamen is vitam rescidit ense tu-  
am.*

*Exanimis sed mors, nullo exorabilis ævo,  
Infixit membris spicula lenta tuis:*

*Viribus exhaustus tandem illi succubuisti;*

*Mors, & dixisti, me modò vicit iners.*

*Atropos immanis nam vitæ stamina rupit,*

*Moribus insanis quæ populatur agros.*

*Parcere adhuc poteras juveni, fera triga sororum,*

*Qui multos annos vivere dignus erat.*

*Sed quia sic placuit, qui digerit omnia, lova:*


*Non fas est vitæ de brevitate queri.*

*Certum est, in cineres corpus mortale resolvi,*

*Sed tamen æternus non erit iste cinis.*

Balthasar G. Miscolcinus, συμμαθητὴς καὶ  
συμπαισιώτης τριτίου Ε.

## II.


 Vem castis inimica seua Musis  
 Parca sub viridi solvit iuventa  
 SIXAI tumulto quiescit isto,  
 Pulchrum Pannonia decus iuventa,  
 Mores cuius erant pii, modesti,  
 Felix ingenium, tenens ad unguem,  
 Humana caput atque Christiana  
 Doctrina, fugiens vagos furores,  
 Quos fingunt homines nimis profani,  
 Contra Euangelium, sacras & artes.  
 Qui summo studio petebat isthuc,  
 Olim quo patriam iuvare posset,  
 Sano consilio, eruditione,  
 Exemplo melioris atque vite,  
 Hunc castis inimica seua Musis  
 Parca sub viridi solvit iuventa.

Iohannes Iessenius à Iessen, Medicus E-  
 lectoralis, & Professor pub.

## III.

M Vnere si, Manes, aliquo gaudetis amici,  
 Neve rogam pietas, officiumque gravat:  
 Has urnae lacrymas ferimus, tumultoq; recenti  
 Purpureas circum spargimus ossa rosas.

A 2

Salvete

*Salvete innocui cineres, quibus otia, tanto  
Exscidio ereptis, grata tenere datum est.  
Tuq; superstes adhuc caelo, Mens inclyta, salve,  
Intuitu felix alloquioq; Dei.  
Quam sacer ordo tenet mediam, Superumq; Senatus  
Potantem, è vivo fonte salutis aquam.  
Iamque vale, cineriq; tuo levis urna parentat,  
Dumq; mali capiant premia, dumq; boni.*

Georgius Thurius, sanctæ recordatio-  
nis ergò, mæstus F.

IV.

**S**I mors æternus somnus, vel meta malorum  
Ultima censetur, quæ metuenda venit?  
Non terret justos, lacrymarum valle sed ipsos  
Transfert in rutili gaudia vera poli.  
Sic etiam STEPHANVM, fuerant cui tempora lauru  
Cincta Novenarum, sustulit ante diem.  
Qui decus ut nostri fuerit cum splendor & ingens  
Pannoniæ: meritò spargimus imbre genas.  
Dicimus & longo singultu hæc verba: quiescant  
Tellure in facili molliter ossa viri.  
Pulvere dum terræ Dominus clangore tubarum  
Restituat veniens corpora casta piùm:  
Et secum rapiens ad celsum hunc ducat olympum,  
Æternaque bect prosperitate DEVS.

*Stephanus P. Rivulinus, Vng. amico suo sin-  
gulari, mæstus F.*

*Anima defuncti ad corpus suum.*

**S**olvimur, ah, nimic, properant quia fata, dolore:  
 Ergo, meum C O R P V S, pars mea chara, vale!  
 At, licet in cineres redeas, reddenda parenti,  
 Spes tamen est constans in bonitate Dei:  
 Tempus erit, nam, quo rursus tibi jungar, & unâ  
 Conspectu Christi, colloquióque fruar.  
 Te tamen interea sociorum cura reponet,  
 Quíque vetent, Elegos, nomen obire, canet.

*Petrus H. Zomberinus.*

**A** Equè Libra dies anni diviserat, horis  
 Quot dederat Phœbo, Cynthia tótque tibi.  
 Liquerat hæc eadem sine labe doloréque menses,  
 Quot tulerant docto maxima damna viro.  
 Tempus & id prudens distinxerat, urbe manendum  
 Leucoreâ, quantum viderat antè Sophos.  
 Hæc ita jam iusto partiverat ordine Libra,  
 Restabatque dies, quâ moriturus erat.  
 Ergò lance suâ cum jam dispesceret equâ,  
 Atropos ad STEPHANUM talia voce refert:  
 Sat bene vixisti: libra hæc impleta dierum.  
 En hûc, quò cœlis tu potiare, veni.  
 Dixerat: extemplo STEPHANUS vestigia pressit:  
 Nos mœsti gelido condimus ossa solo.

*Paulus B. Göncius.*

A 3 Et

VII.

Ἐἰ ποτέ τις θνητῶν πάντων μάλ' ἐφήμερ' ἔιναι  
 τοῖς γονέοισι εἴοις ἠδὲ φίλοισι δοκεῖ.  
 ἢ διὰ τὴν ἀρετὴν, χαλεπῶν πάντεοισι ἔδσαρ,  
 ἢ διὰ τὴν σοφίαν, τὴν τ' ἀγάπην μεγάλην.  
 Ὡς τε φαν' ὡς σὺ ποῖς ἑτάροισι πεισοῖς τε τοκεῦσιν  
 εἴνεκερ ἀμφοτέρων ὠκύμορ' ὄψεαι.  
 αὐτὰρ εἰπέ σε θεὸς δῶπως τὸ ζῆρ, τε δαυῆρ, τε  
 ἔκκαλερ, οὐκ ἀρετῆ δ' ἄσπαστολε τέκ.

Petrus P. Alvinci Eniedinus.

VIII.

*Q*ualiter in viridi florentia lilia campo,  
 Purpureasq; hortis vere tepente rosas,  
 Cum valido Boreas veniens Aquilone boatu,  
 Insolito flores tempore sternit humi:  
 Sic quoq; SIXOVINE, tua sub flore juventa  
 Occidis, & grandem spem rapis ante diem:  
 Tu poteras patriæ studiis succurrere rebus,  
 Et mala doctrinâ multa levare tuâ:  
 At Deus è cursu studiorum penè tuorum  
 Te rapit, & Patriæ donat honore tua.  
 Sed bene: nam mundus quibus hic solet esse molestus,  
 Eripuit curis te, statuitq; polo.  
 Nos quoq; tam variis curarum fluctibus acti,  
 Flectimus ad superas candida vela domos:  
 Tu tamen interea cœlestia gaudia carpe,  
 Aeternumq; Deo concinemente melos.

Ioannes P. Szentpeterinus.



EXemplo monet hic STEPHANVS ZIKZOVI-  
VS omnes

Ingenio felix & pietate sacer.  
Haud bene, quòd liquidos nobis promittimus annos,  
Cùm semper curæ tristitiæque premant.  
At quis enim non mille dolores, aut mala portet?  
Sed venit his prima luce suprema dies.  
Velle videmur, & in mediis conatibus ægri.  
Sistimur, & virtus altiùs ire nequit.  
Nos rapit atra dies, & funere mergit acerbo:  
Attamen æternus non erit ille sopor.  
Sunt iterum nostræ rediturae in corpora vires,  
Membræque juncturis restituenda suis.

*Demetrius Nadasdinus.*


Sequuntur epicedia Doctorum, Professo-  
rum, & Magistrorum.

**D**Vm populos alios, dum visitat extera regna,  
Dumq; bonis studiis se sine fine dicat,  
Frigida SIXAUM consumsit & abstulit hydrops,  
Ne possit patria commoda ferre sua.  
Sæpe die media marcescere gramina cernes,  
Et pulcros flores falce secante premi.

*Savit*

*Sævit in humanis rebus violentia mortis,  
Vim rigidi fati flectere nemo potest.  
Qui castis precibus se Christo tradere novit,  
Fataq; qui patiens ferre scit, ille sapit.*

V Wolfgangus Franzius, S S. Theo-  
logiæ D. & Historiarum Professor  
publicus.



XI

**T**E KONIAM STEPHANUM puto beatum,  
Quem quondam viridi statim juvena  
Abreptum voluere servituti  
Immani & miseræ dicare Turcæ:  
Cui nunc libero ab omnibus periclis  
Turcas non opus est ut expavescas:  
Et CHRISTUM, tibi qui tuendus antè  
In verbo, speculo velut, dabatur,  
Nunc coràm à facie intueris. Ergò  
Te KONIAM STEPHANUM puto beatum:

*Martinus Colerus*  
J. V. D.

*Fallitur*

## XII.

**F** Allitur & fallit, vita qui credit inani,  
 Inconstans, fallax, & brevis vita bonum est.  
 Sicut araneoli via, vita à limine surgit:  
 Sicut araneoli tela repente cadit:  
 Sic & amicitia mundi pars quanta fuisti,  
 Nunc datur aethereo summa corona polo.  
 Sic fuit in fatis. Ne tristia forte videres,  
 Mortuus es. Reliquos multa pericla manent.  
 Sic fuit in fatis. Ætas, STEPHANE, ista malorum est  
 Ilias. heic veri vix data mica boni est.  
 Hoccine num sentis, claris pomposa triumphis  
 HUNGARIS ORA? dolor quàm nocet iste tibi!  
 Na decus eximium raptum est hoc funere vobis.  
 At dolor hic absit. Nam modò in arce poli est.

Iohannes V Verner, Medi-  
 cinæ D.

## XIII.

ὦ θάνατ' ὠμότατε; φρονέσεις μάλα, δίκτυα πλέξασθε  
 εὐφρέεσσι νέοις: ὦ θάνατ' ὠμότατε.  
 Εὐφρέα ΣΤΕΦΑΝΟΝ ΚΟΝΙΑΝ ἤρπασαθ' ἀφ' ἡμῶν,  
 ὅττηρόν θοράποντ' ὄντ' ἄγανι ππιάδωρ.  
 οἱ μὲν ἔεσκε φίλη πατρίεσσι πολυλήϊθ' ἄια  
 πικρῶν ἡ ἐρατὴ κροσσόφθ' ἰ ἀγαθῆ.  
 ἐνθα ἵεὺ τυχεῖως ἔμαθ' ἐμ τέχνας τε γράφας τε,  
 ὅππ' ἔλεγκον κλέψατ' ἀλκίκα πέλεις,

B

κἀτθανε δ' ὠκύμορος, τὸν δ' αὐτῷ συμπατριῶται,  
ἢ δ' ἄλλοι ἕταροι κλαῖον ὀδυρόμενοι.  
ὦ θάνατ' ὠμότατε: φθονέτε μάλα, δίκτυα πλέξασθε  
εὐφρέσασθε νέοις: ὦ θάνατ' ὠμότατε.

M. Erasmus Schmidt,  
Græcæ I. Professor.

XIIII.

**R**EBUS in humanis incertum est tempore certo  
Nasci, nec certum est cras hodiène mori.  
Quin alius matris jam suffocatur in alvo,  
Atque alius mortem, vix ubi natus, obit.  
Sic etiam juvenis, doctrinæ cuilibet aptus,  
E vita medii tempore floris abit.  
Rebus ab humanis ablati, ad astra recepti,  
Deseruit nimum terrea tecta citò.  
Lege quidem mortis positâ sua pendere fata  
Debit: at vitæ parcere Parca sua.  
Sic Deus, humanas qui res procurat, & aufert  
Iure, quod ipse dedit, confieri voluit.  
Doctus & humanus Konias, gravis arte fideq̃,  
Emeruit magnum post data fata decus.  
Nam quia virtutis teneris studiosus ab annis  
Extiterat, templum nunc is honoris adit.  
Quin superum cælum proprio sic flore coronat:  
Ceu micat æthereo lucida stella polo.  
Hac satis est terris memorare: loquetur honorem  
Pannonicum fama cum meliore solum.

Balthasar Menciùs, Nimecensis, Saxo,  
M. Colleg. Phil. in Acad. VVittemb.

*Versus Epitaphii*

à

M. FRIDERICO TAVBMANNO FA-  
cti, atque lapidi insculpti.

**H**AC STEPHANUS, post fata, cubo SIXOVIVS urnâ,  
Immò levis tantùm hic corporis umbra cubat.  
Pars divina mei patriam remigravit a vitam.  
Occlusum CHRISTUS morte reclusit iter.  
Prada fui Turco, factus prada altera morti.  
Id vidit presens, hoc bibit aure Parens.  
Ereptus Turco, Patri reddebar. & olim  
Ereptus morti reddar, ut antè, Patri.  
Dum vixi, CHRISTO vitam Musisq; probavi.  
Hisq; probè probus est, qui sua seq; probat.  
Nec refert, quo quisque loco moriatur. ad astrum  
Æqua via est. Æquè tu modò disce mori.

O B I I T

Die 6 Octob. hor. 11. meridianâ, anno  
Christi 1598. Ætatis verò



B 2

RECTOR ACADEMIÆ VVI-  
TEBERGENSIS, M. ANTONIUS EVO-  
NYMUS, Carinthius, Ethices Professor  
publicus.

**N**ostrorum hominum publico scripto obnunciare obitum,  
& pro re quandoq; nata, non solum ut dicatur aliquid,  
sed quò de rebus gravissimis commonefactio instituatur,  
aliquantisper excurrere tralatitium est. Significandum igitur vo-  
bis, post diuturnum ex hydrope lethali decubitum, nudiustertius,  
qui fuit dies sextus Octobris, sub horam undecimam pomeridia-  
nam, placidè hac vita exemptum esse, pium, honestum, tum eru-  
ditum virum, STEPHANVM KONIA SIXAI, VNGA-  
RVM, de qua Gente fortissima, regione fecundissima, prius-  
quam ad rem deveniamus, quædam vos admonere, ipsa temporis  
multiplex ratio, & præsens occasio, jubet. Ex interiore Scythia,  
Gentem hanc initio pullulasse, per posteriores verò progenitores  
ab Vnnis germinasse, ex historia notum est. Hæc Gothis ejectis,  
Pannoniam, Illyricum occupavit, magnam Italiae partem, Germa-  
niam, Galliam, tum Hispaniam domuit & evertit. Quæ & hodie  
ad quantas etiam, Mahumeticæ pestis tyrannide, angustias reda-  
cta, hosti tamen ferocissimo, formidabilis audacissimè resistit,  
Patriam defendit, atque sic à nostris quoque cervicibus, aris & fo-  
cis, mero divino auxilio, vim & metum omnem per tot jam annos  
feliciter propellit: ita ut hoc corporis robore & tolerantia, hac a-  
nimi fortitudine & constantia, Regni atq; dominatus continua  
perpetuitate, cæteras Nationes omnes, multis parasangis superet,  
& antecellat. Assyrii sanè, qui se primò regnasse gloriantur, exi-  
guam Asiae partem tenuerunt, hos Medi exturbarunt, quorum  
quoque regnum ad quartam vix progeniem, propagatum. Medo-  
rum successores Persæ, universæ Asiae, quamvis infestata Europæ  
parte,

parte, ducentos tantum circiter annos dominati sunt. Macedo-  
nes fractis Persarum viribus, post Alexandri, Imperii auctoris, mor-  
tem, secessione facta, amplissimum dominatum labefactarunt.  
Athenienses oris tantum maritimis, intra pontum Euxinum, Pam-  
phyliumque pelagus sitis, annos non plus sexaginta octo impera-  
runt. Lacedaemones Peloponensum, reliquamque Graciam adepti,  
imperium in Macedoniam usque protulerunt, mox tamen a The-  
banis afflicti, ne triginta quidem annos regnarunt. Romani, do-  
mitis Carthaginensibus, rerum potiti, diutissime universo Orbi,  
quacunq; adiri poterat, jura dedere, at horum potestas in nihi-  
lum tandem redacta. Multa insuper regna alia integra & amplissi-  
ma, unico saepe praelio devicta sunt, quo pacto Bulgaria & Servia,  
fuso a Bajacete exercitu, nobilissima duo, unica die, capta regna.  
Vngaria, divina protectione salva adhuc, cum ultra ducentos an-  
nos, continuis Barbarorum incursionibus vexata, direptionibus  
& incendiis afflictâ, & nunc decennali bello miserè quassata, Chri-  
sto unice defendente, & Rudolpho Imperatori suppetias sacro  
germano Imperio ferente, stat adhuc, atque ut diutius contra fu-  
rores implacabiles Turcicos & diaboli, organorumque ipsius ma-  
chinationes periculosissimas secura degat & consistat, seriò invo-  
candus & exorandus Deus est. Est tellus Vngaria, summa soli u-  
bertate amoenitateque donata, coeli clementiâ, navigabilium flumi-  
num & irriguorum annuum commoditate praestantissimis adnu-  
meranda, imò & plerisque preferenda Europae & Asiae provinciis:  
auri, argenti que solidissimi, purissimi que ferax: unde sal, uniones,  
colores, & pretiosa effodiuntur alia, animalibus omnis generis fo-  
cunda, vitibus nobilitata, & rerum omnium copia circum-  
fluens, à qua soli ubertate, & pastorum Deo Pane Pannoniam ap-  
pellatam, sunt qui existiment. Quod igitur Pœnos acutissime  
dixisse constat: Imbecillio rem agrum, quam agricolam esse debe-  
re, id se sic hac in Gente habet, cujus ingenii acies, cum robore  
certat corporis, & utrisque his populorum cedit nulli, ut quae libe-  
ralis

ralis doctrinæ gloriam, linguarumq; varietatem cum armorum laude jungere consueverit, & cum bonis agris id commune habere, ut si aliquando Martis quàm Artis studiosior, majori tamen ubertate quietis gratiam referre soleat. Cumq; cætera omnia fortuita, virtutem solam nobilitatis titulo colit & æstimat. Quanquam etiam singulari Dei indulgentia & Præsidum cura, inter medios armorum strepitus, domi Scholas doctrinæ, pietatis, linguarum & artium ingenuarum palæstras obtineat satis commodas: visum tamen plerisq; inde usq; à perpurgata per Reverendum Patrem Doctorem Lutherum cœlesti doctrina, longo & tædioſo poſthabito itinere, catervatim huc sese transferre, inceptum pietatis cursum decurrere, exorsam vitæ utilium artium telam pertexere, nulli molestos esse, sed summa quiete legibus obtemperare. Quo nomine Doctori Luthero, & Philippo Melanchthoni, tum ex ordine professorio cæteris commendatissimi singularem semper erga se benevolentiam experti. Hoc proposito ante annum & menses ferè septem in hanc commigravit defunctus Academiam, cum antè in Schola patria, deinceps Miscolcina, insuper Agriensi, & Patachiensi Gymnasiis, initia, tum progressus, in artium & linguarum studiis jecisset, & fecisset egregios, suæq; jam edidisset in Alzaloviensium pædagogio ludimagister laudabile specimen industriæ. Patria S T E P H A N O nostro Z I K Z O, oppidum in superiori Vngaria situm, quod Turcæ olim per bene longum tempus tributarium fœdæ illius servitutis pertæsum, fregit compedes, & pro virili munito loco, defensionem sese accinxit; contra quod anno octuagesimo octavo ira furens Tiha Bassa, decem & sex millium exercitu perrexit, cujus adventum incolæ, non tam animosè expectarunt, quàm inprimis Dei & accolarum subsidio, ita forriter vim propulsarunt, ut ad unum ferè omnes nocte unica hostes, partim cæsi, capti partim devicti sint: qui conflictus initium hodiernæ dedit in Vngaria militiæ. Patre natus est G R E G O R I O K O N I A, cive fideli & viro bono: adhuc, quantum constat, veneranda conspicuo canicie superflite. Matri  
ho-



honestæ foeminæ, ante biennium ob Tartarorum accessum ad tu-  
tiora quærenda loca coactæ, in fuga præ formidine & terrore ex-  
tinctæ, filius hic iusta solvit: Quem septuagesimo septimo anno  
parens uterq; puerum, circa id tempus, cum portentosus ille Co-  
meta visus, à Turcis abduci tristissimè spectavit, qui infandi plagia-  
rii, partim hos antevententium, partim insequentium Christiano-  
rum militum fama, maximè verò meteori tam insolentis spectro  
perterriti, abjectis armis & spoliis deditioem fecerunt, ubi virtu-  
te Christi, ipsi prædatores mox ingens præda effecti sunt, abreptæ-  
que pubes Christiana innumera Mahometi destinata, Christo rur-  
sum vindicata, & lamentantibus parentibus reddita. Quæ quo-  
tidiana illis locis proh fabula est, ut rectè Vngariam quasi Angari-  
am, multiplicibus ærumnis & angoribus exanimatam appellare li-  
ceat. Hæc auditu horrenda, visu verò longè tristiora, eò com-  
memoravimus, ut dissolutæ vitæ homines à tam sinistro & alieno  
proposito avocatos, ad æstimandam auream hanc nostram securi-  
tatem, invitaremus: postea ut majorem quoque erga Gentem  
hanc afflictissimam, aliorum excitaremus sympathiam. Hanc suam  
scholastici nostri humanitatem & condolentiam, si funus, quod  
Senior Vngarorum, Dn. BALTHASAR GOMBOS Miscol-  
cinus, conterraneus suus, populares, & ob Gentis consanguinita-  
tem Doctör IESSENIUS, Collega noster, defuncto adornant  
honestum, hora quarta ex ædibus Sartoris, Iacobi VVagneri, con-  
tra arcem sitis, ad cœmeterium oppidi intestinum, adeoq; Vnga-  
rorum tumulum comitabuntur, satis testaturi, P.P. Vitebergæ  
Dominica post Trinit. XVII. Anno Christi 1598.



EPITAPHIVM

STEPHANI KONIÆ SIXOVII,  
VIRI LECTISSIMI, HVMANISSIMI  
& doctissimi, piè in Christo VViteber-  
gæ defuncti.

*SIXOVI, ereptum patriæ quem flore sub ipso  
Vili Leucoridum cespite velat humus;  
Accipe non Phario turgentia pondera saxo,  
Quæ vanus cineri dat peritura labor:  
Sed teneram buxum, sed opacam palmitis umbram,  
Quæq; virent lacrumis prata rigata meis.  
Hæc tibi do sincera mei monimenta doloris:  
Hic cum curriculo temporis exstet honos.  
Si mihi fatalem Lachesis perneverit horam,  
Non aliter cineres opto jacere meos.*

AUTORE

Matthæo Zubero, Poëta  
coronato.



NUMERUS

NUMERUS

PIETATE, DOCTRINA ET ALIIS

VIRTUTIBVS PRAESTANTISSIMORVM

virorum, ex eorum albo, qui ex inclyta gente Vngaricâ, sum-  
ma cum laude & fruge, ab anno Salvatoris M. D. XXII.

illustrem V Vitebergensium Academiam, Anno M. D. II.

à Friderico III. Duce & Electore Saxoniae fundatam, sacrae

Theologiae & sinceræ philosophiae discendae causa incolue-

runt, ad currentem usque sanctè vitam ibidem de-

functorum, prout de nominibus eorum-

dem constat;

*Operâ*

MATTHAEI ZUBERI

Poetae coronati.

Elegidio vincit; & Lectori bene-  
volo communicatus.



*Vid mea Musa velit, titulus praedixit*

*apertâ*

*Veri fronte. meus calamus meliore lo-*

*quetur*

*Sensu. Pannonicos haec tangunt, inclyta quorum*

*Virtus signiferum pridem transcendit Olympum;*

*Multis & verè magnis praecleara triumphis.*

*Quantumvis verò niteant mundana parumper:*

*Illae tamen pereunt subito, ceu fumus & aura.*

C

Sicut

Sicut in exemplis istis cognoscere fas est.  
 Hic viri positi, gentis magnum decus Hunna,  
 Ob sacra Pieridum tempe & penetrata Phœbi  
 Perlustranda, choris sese adjunxere novenis,  
 Atque hinc Leucoreas peregrè venere sub oras.  
 Fortiter in Dryopum castris pugnare solebant,  
 Contra pigririam Venerisq; latentia furtiva.  
 Quid fit? in humanis quoniam durable rebus  
 Est nihil, AD PLURES coguntur abire: quòd a quo  
 Mors pede tam magnas arces pulsare suavit,  
 Quàm pulsare casas humiles. tolerare decebit  
 Ergò mala hæc, verè quæ non mala, sed bona verè.  
 Quòd vixere pie: Pietas erit optima merces.

α  
 Obiit die  
 28. Maii,  
 anno Chri-  
 sti 1571.

β  
 Mortuus  
 est 18. A-  
 priis, an-  
 no Domi-  
 ni 1581.

γ  
 Nigravit  
 ex hac vi-  
 ta die 7.  
 Octob. an-  
 no salutis  
 1590.

δ  
 Vita defun-  
 ctus die 28.  
 Nov. anno  
 epochæ  
 Chr. 1593.

Nomina jam ponam, sed non absq; ordine ponã.

Mortuus est primus, primà qui sede locatur.

Ordine sic ibant VVitebergà ad sidera cœli,

Vngensi MICHAEL & generatus CACHMACUS  
 urbe:

IOANNES β post hunc HERCEGSZÖLÖSIUS  
 exit

Ex vitã: hunc sequitur MICHAEL γ VARA-  
 DINUS, amator

Virtutis. Necdum tribus his mors cruda quiescit

Abseētis. Et CHRISTOPHORUM δ rapuere so-  
 rores.

*CEGLIDIUM trina, quæ vitæ stamina rumpunt.*

*Non adeo pridem STEPHANUS quoque Panno-  
no KONIAS*

Vitam cum  
morte cõ-  
mutavit  
die 6. O-  
ctob. Anno  
à nato Chri-  
sto 1598.

*SIXOVIVS clausit VViteberga lumina in urbe.*

*Hi nunc in CHRISTO placidè sancteq; quiescât.*

*Qui reliqui nobiscum hærent, his vitæ superfit*

*Longior, ut patriæ possint servire, sibiq;*

*Gens, quæ naturâ longè est fortissima, Et armis*

*• Aptæ coërcendis, Hunnorum summa meretur*

*Puncta Quod hæc tenui satis est memorasse papyro.*

*Quæ metri virtus admittere noluit, illa,*

*LECTOR amice, favens Musis, te margo docebit.*

**REVERENDIS ET CLA-  
RISSIMIS VIRIS:**

**Ds. IOHANNI SIDERIO SENIORI, DIOCE-  
cesis Abalypariensis vigilantissimo:**

*Nec non*

**D. GEORGIO SZIKZAI, PASTORI  
Aszaloviensi fidelissimo:**

*Carmina isthæc funebria,*

*Amici & populares defuncti*

*Offerunt, dicant & consecrant.*

*Psal. 90. v. 10.*

*Transitus celer est, & a volamus.*

*Propertius.*

**M**ors homini comes est, hominem comitatur ut umbra,  
Quódque homo carpit iter, mors quoq; carpit iter.  
Ille licet ferro cautus se condat & ære,  
Mors tamen inclusum protrahit inde caput.

*ἄδηλον.*

Mors certa est, incerta dies, hora agnita nulli,  
Extremam quare quamlibet esse puta.

*Bernhardus.*

Nihil amplius ex hoc mundo effert dives Cræ-  
sus, quàm pauper Irus, Ideo facilè omnia con-  
temnet, qui se moriturum esse cogitat.



A 2490

ULB Halle  
003 485 986


3




sb

kom









B.I.G.

Farbkarte #13

Iusta LXVII

66

DOCTISSIMO, ORNATISSIMO, VITÆ INCULPATÆ, MORUMQUE integritate præstanti, & in artibus ac linguis optimè versato viro,

DN. STEPHANO K. SIXOVIO, VNGARO, IN CELEBERRIMAM VVITEBERGENSIUM Academiam, augendorum studiorum causâ, Anno D. 1597, die 14 Martii concedenti; Anno verò subsequente 1598, die 6. Octobris, ad horam 11. meridianam, in Domino piè placidèque obdormienti, ibidemq; in cœmeterio Templi, ut vocant, parochialis, juxta tumulos reliquorum quatuor popularium, olim demortuorum, 8. die Octobr. honestè sepulto:

RECTORE ACADEMIÆ M. ANTONIO EVONYMO: Seniore cœtus Vngarici, XLIX. BALTHASARE G. MISCOLCINO:

Perfoluta ab

*Amicis, & clarissimis viris.*

*Quibus accesserunt versus Epitaphii, à clarissimo viro, M. FRIDERICO TAUBEMANNO, Poeta & Professore facti, atq; ipsi lapidi sepulchrali insculpti.*

Vnà

Cum Intimatione Magnifici Rectoris.

VVITEBERGÆ  
Typis Simonis Gronenbergii.  
M. D. XCVIII.

61

